



**ՀՀ ԱՐՄԱՎԻՐԻ ՄԱՐԶ  
ՎԱՂԱՐՇԱՊԱՏ ՀԱՄԱՅՆՔԻ ՂԵԿԱՎԱՐ**

**ՈՐՈՇՈՒՄ ԹԻՎ 864**

« 10 » Մայիս 2023թ.

ք. Էջմիածին

**ՎԱՂԱՐՇԱՊԱՏԻ ՀԱՄԱՅՆՔԱՊԵՏԱՐԱՆԻ ՀԱՄԱՅՆՔԱՅԻՆ ՈՉ ԱՌԵՎՏՐԱՅԻՆ  
ՎԱԶՄԱԿԵՐՊՈՒԹՅՈՒՆՆԵՐԻ ՏՆՕՐԵՆՆԵՐԻ ԹԱՓՈՒՐ ՊԱՇՏՈՆՆԵՐԸ ԶԲԱՂԵՑՆԵԼՈՒ  
ՀԱՄԱՐ ՄՐՑՈՒՑԹՆԵՐ ԱՆՑԿԱՑՆԵԼՈՒ ՄԱՍԻՆ**

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 11-րդ և 24-րդ կետերի և Հայաստանի Հանրապետության տարածքային կառավարման և ենթակառուցվածքների նախարարի 2020թ. մարտի 26-ի N 02-Ն հրամանի պահանջներով, հաշվի առնելով այն հանգամանքը, որ Վաղարշապատի համայնքապետարանի մի շարք համայնքային ոչ առևտրային կազմակերպություններում (այսուհետ՝ ՀՈԱԿ) առկա են տնօրենների թափուր պաշտոններ, իսկ դրանց համալրումը անհրաժեշտ է ՀՈԱԿ-ների լիարժեք աշխատանքային գործունեության համար

**ՈՐՈՇՈՒՄ ԵՄ**

1. Վաղարշապատի համայնքապետարանի մի շարք ՀՈԱԿ-ներ տնօրենների թափուր պաշտոնները զբաղեցնելու համար անցկացնել մրցույթներ՝ ըստ սույն որոշման հավելվածի:
2. Ապահովել անցկացվող մրցույթների հայտարարության հրապարակումը <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային, տարածքային կառավարման և ենթակառուցվածքների նախարարության, ՀՀ Արմավիրի մարզպետարանի, ինչպես նաև Վաղարշապատի համայնքապետարանի պաշտոնական համացանցային կայքում և փակցնել համայնքի ղեկավարի և ավագանու նստավայրում:
3. Տնօրենների թափուր պաշտոնները զբաղեցնելու համար անցկացվող մրցույթների նախապատրաստական աշխատանքների իրականացման անմիջական պատասխանատու նշանակել աշխատակազմի քարտուղարին:
4. Սույն որոշումն ընդունելուց հետո երկօրյա ժամկետում թափուր պաշտոնները զբաղեցնելու համար անցկացվող մրցույթների մասին պատշաճ տեղեկացնել ՀՀ Արմավիրի մարզպետի և ՀՀ տարածքային կառավարման և ենթակառուցվածքների նախարարության աշխատակազմերին:
5. Սույն որոշումն ուժի մեջ է մտնում ընդունման պահից:

ՀԱՄԱՅՆՔԻ ՂԵԿԱՎԱՐ

Ղ.ԳԱՍՊԱՐՅԱՆ



ՀԱՎԵԼՎԱԾ  
Հաստատված է  
Վաղարշապատ համայնքի ղեկավարի  
<<10>> Եսայիս 2023թ.  
թիվ 864 որոշմամբ

Ց Ա Ն Կ

Վաղարշապատի համայնքապետարանի համայնքային ոչ առևտրային կազմակերպություններում տնօրենների թափուր պաշտոններ զբաղեցնելու համար անցկացվող մրցույթների

Հ/Հ	ՀՈԱԳ-ի անվանում	Մրցույթի անցկացման օրը և ժամը
1.	«Սպիրիդոն Մելիքյանի անվան թիվ 2 երաժշտական դպրոց»	13 հունիսի 11:00
2.	«Հովհաննես Հովհաննիսյանի տուն-թանգարան»	13 հունիսի 14:00
3.	Թիվ 10 «Շուշան» մանկապարտեզ	13 հունիսի 16:00
4.	«Մանկապատանեկան մարզադպրոց»	14 հունիսի 11:00
5.	«Եղիշե Թադևոսյանի անվան գեղարվեստի դպրոց»	14 հունիսի 14:00

ՀԱՄԱՅՆՔԻ ՂԵԿԱՎԱՐ



Դ.ԳԱՍՊԱՐՅԱՆ